


Pagsasanay A

Unawain ang sitwasyon sa bawat bilang.
Pagkatapos ay bilugan ang titik ng wastong hinuha
para sa susunod na mangyayari.

1. Malapit nang matuyo ang mga sinampay ni Aleng Choleng. Maya-maya, biglang namuo ang makapal at madilim na ulap. Bigla ring kumidlat.



- Mabilis na matutuyo ang mga sinampay.
- Uulan at mababasa ang mga sinampay.
- Kailangang labhan muli ang mga sinampay.

2. Nagpaalam si Gab sa kaniyang *mommy*. Pupunta siya sa kaibigan niyang si Asi. Sinabi niyang alas-3 ng hapon siya uuwi. Masyadong naaliw sa paglalaro sina Gab at Asi. Pagtingin ni Gab sa relas ay mag-aalas-4 na ng hapon.



- Magpapatuloy sa paglalaro ang magkaibigan.
- Magmamadaling umuwi si Gab at hihingi ng tawad sa kaniyang *mommy*.
- Magpupunta pa sila sa kaibigan nila sa kabilang barangay.

3. Kaarawan ni Ayezia. Malungkot siya dahil akala niya ay darating na ang kaniyang *daddy*. Sa ibang bansa kasi ito nagtatrabaho. Lumapit ang *mommy* ni Ayezia sa kaniya. Sinabi nitong huwag na siyang malungkot dahil may sorpresa siyang bisita.



- Masayang-masaya si Ayezia dahil dumating na ang kaniyang *daddy*.
- Umiyak nang umiyak si Ayezia.
- Magpupunta sila sa ibang bansa. Doon na lang ipagdiriwang ang kaarawan ni Ayezia.